



國家清史編纂委員會・文獻叢刊

清代詩文集彙編



國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 七八二

簪珠仙館詩存七卷附陶陶集一卷詞一卷 吳慶燾撰

成都顧先生詩集十卷補遺一卷 顧印愚撰 一 九九

松鄰遺集十卷 吳昌綬撰 一六九

大鶴山人詩稿七卷 鄭文焯撰 二二三

冷紅詞四卷比竹餘音四卷樵風樂府九卷茗雅餘集一卷 鄭文焯撰 三八九

結一宦駢體文二卷結一宦詩略三卷 屠 寄撰 五一五

石陶黎煙室遺稿不分卷 黃 人撰 五五三

爾爾集二卷 黃 人撰 六九五

吳炯然先生詩集序

炯然先生七齡時聞諸兄誦木蘭詩心好默識之。及長於口先贈公喜因兼授詩學嗣復戒之曰毋耽此。正其當志其遠大者故先生自幼能詩然謂生平不苦吟未嘗期以鳴世也。頃輯所存詩草凡若干首將付印以潛同輩滬濱督爲序曰吾仕宦無濟於時著述不足垂後今老矣人間何世獨此區區者非我志然亦不忍終棄耳。潛不能詩於先生詩夙亦少見辭不獲乃受而讀之蓋先生自少作卽清雋圓美雅贍而無雕飾有初日芙蓉之槩壯年游蜀後體格益宏不規摹前人專一家而高處時逼於古五

簪珠仙館詩存序

律一體純乎杜法尤多傑作夫詩者藝事非其性與質不能學學矣而爲之者千百翹然傑出者代不數人淺深高下易一世而觀之又不知品題爲何如故歐陽公有勤一世以盡心於文字皆可悲之歎也先生早慧勤學至今手不釋卷年十六入泮爲某鉅公激賞才名藉藉江漢間今集中詩起庚午卽其歲也既因公車援例官內閣都下勝流咸酬接無所下顧不屑競聲氣標榜弋時譽所自守甚嚴某鉅公負重名世趨之如登龍門先生受知早從無干謁後以不嫌所爲愈疏絕焉抑塞無所試以養親乞外改官江右潛時亦嘗守撫州知先生志操甚悉所任事咸建

簪珠仙館詩存

殊績顧落落不與時諧久之膺一職而國步移矣故使先生於詩如所謂勤一世而盡心焉者所得蓋不止此而有所不爲亦無所於悔也。吾觀昔賢稱杜子美謂此老詩外大有事在而邵子之擊壤集本不求工於詩後人重之轉相倣仿誦其詩想見其爲人重其人亦珍異其爲詩耳且士君子生當末造苟重視其身方汲汲焉擲其器淬其識求所以維世運之大毀譽榮辱窮通得喪皆適然之數無可惑易何有於語言文字之末足汨沒心志者就吾目擊數十年間始朝廷營破格用人矣被寵擢者虛橋成習試事輒敗重以大節泯然爲世話厲自是用人途塞議論不

簪珠仙館詩存序

聞逮國勢一變衰冠之倫又羣焉結社召徒競談時務號曰救亡奸人乘之簧鼓邪說以至覆國當事以浮士爲賢才儒流以虛聲當幹濟一代社屋之禍謂非階厲於此不可也襄陽古名郡山川雄秀自漢晉六朝暨唐間賢傑輩出先生生是邦所稟氣厚又管轄彥威耆舊記搜括金石勝蹟著有襄陽五種蓋往復於古先哲之遺風浹洽寤寐歸於自淑其躬以孤寄其意故雖偃蹇不遇能卓然自立拔乎時流而出其餘藝亦斐亶足動於人羣自今日觀之當爲耆舊記中人已無疑是編之不可泯滅亦無疑已宣統丙寅仲春同歲生中江王潛拜手序

簪珠仙館詩存卷一

襄陽吳慶霖寬

仲
詩
文
卷
一

早春卽景

庚午

雪騰園林淺雲添院宇深人幽親日色地僻厭春陰爛漫
初花態紫迴寸草心躬耕吾未學抱膝學長吟

登黃鶴樓

鶴飛仙去我初來亂後江山望眼開健筆擬將滕閣序少
年慚愧子安才

城北嫗

辛未

簪珠仙館詩存卷一

一

寥天朔風緊四野寒雲稠
拾墜薪鷄衣行僵僂剪刀裂垢而雙淚紅冰流自言有二
子一子盜所仇斃雄掠其雌巢覆無卵留一子夙羸弱敢
酒反兵羞老身苦陳詞州縣不見收憤欲訴大府遮道怖
鳴鵲

帝閭九萬里誰更呼籲投吏役目我癩鄰里勸我休骨月
長離散微生良贅耽凍餒非所恤遺恨埋壑溝我時聞嫗
言鳴咽鯁在喉風雲爲慘惻仰視天悠悠縛雞手無力太
息下城陬深井人不作寂寂懸吳鉤

薄倖

爲某宅厄作王申

薄倖青樓事可哀平康身更辱與臺蓬萊方丈尋常到一

出紅塵不再來

水田衣換鬱金裙鐘磬諸天靜夜聞滴盡碧桃花上露一
甌香茗供朝雲

鍼神妙手似眉嬈佛日長添弱綫長懺盡綺情空色相度
人不復繡鴛鴦

連日風霾口占

漠漠黃沙鎖日過封姨肆虐待如何幽人自惜開花落麥
豆花輕落已多

美人風箏斷句

李嶺鴻余已忘矣

簪珠仙館詩存卷一

二

燕子去來隨盼盼蛾眉深淺畫真真
流水桃花人近遠夕陽芳草路西東
楚雨暮歸銷粉黛秦雲曉出炫衣裳

癸酉嘉平家大人應山左督學黃漱蘭先生之聘
將便道視叔父言堂先生於曹州河防工次伯兄

焚甫以試禮部隨侍北行同時余赴經心書院肄
業扁舟東下黯然可知

臘鼓聲催換歲華朝來骨月各辭家勝游遙指明湖柳佳
氣徐看

上苑花千里分張逢雨雪孤帆濡滯向天涯竹林招悵金
隄路情話憑誰夜煮茶

漢口又雪

十日舟千里期年客再游去來心向雁孤冷影隨鷗酒比尋常貴花還頃刻留漫天飛別緒慘淡不能收

上元夜同劉夢徵登黃鶴樓

甲戌

江上高樓入杳冥江邊風水聚浮萍金杯竹葉難成醉玉笛梅花乍可聽佳節異鄉分皓月春燈隔岸闌明星笙歌漸歇人將散悽絕空中語塔鈴

暮春漢口送友

落花飛絮不勝愁匣劍囊琴又遠游芳草恨餘正平墓垂楊春隔仲宣樓夢魂世路風波險日夜鄉心江漢流搔首夕陽看鳥度何時天際認歸舟

武昌雜興

黃鶴高樓上入雲樓頭歌管日紛紛煙花信美非吾土酒盡春江總不醺

忽逢銀膽淚沾裳縮項槎頭味獨長二月河豚三月鱖教人鄉夢繞魚梁

習家池館足風荷羽扇延涼六月多笑殺花隄名浪得夕陽無語長青莎

花開去盡心費院最遲

帆雲迢遞岱雲通兩地登高望眼同何日草廬安隱住釣游長是憶隆中

簪珠仙館詩存

江上樓臺蜃氣迷鸛園荒寂白華題桑田滄海尋常事崇福山頭日又西

紅桃碧柳月湖隈畫舫笙歌結隊來流水依然山色在落花誰爲掃琴臺

雪後灞口道中

甲戌

短晷促長征絳袍犯凍行平沙湖潦盡斜日戌樓明冰裂迷人迹風號斷雁聲程門迴首處殘雪不勝情

曉曉
幽白
平黃

續尸史句答寄

乙亥

夜涼如既雨秋早不知寒冰簟難成夢銀缸已向殘美人

簪珠仙館詩存卷一

四

隔千里相望碧雲端清咏幸能續搖搖星斗闌

雪中登仲宣樓

寂寞風流歷歲年呼鷹臺圯一樓傳殘碑剔蘚寒侵手新竹窺牆短及肩喪亂依人聊嘯傲奸雄知己亦因緣生平吾恰慚通倪暇日登臨爲惘然

蠟屐雙攜一徑斜高寒雲樹未容遮七哀長寫孤羈恨三雅難逢六出花賓客應劉誰再世江山吳蜀等無家景升荒冢迷東郭松柏蕭蕭噪晚鴉

買燈後一日新野道中微雪

丙子

磷磷冰碎響輕車剪剪風寒試散花驛路春猶遲白草征

衣色已變黃沙雲連博望天低樹夢返檀谿客離家元夜
華燈留謎語聰明誰闢更烹茶

朱仙鎮謁岳鄂王祠

萬古傷心地行人雪涕過功名悉塵土冤獄竟風波父老
悲猶昔精忠字不磨汴京行只尺甯復舊山河
天地英靈氣巍巍一廟堂豐碑昭日月老樹戰風霜鐵像
空追戮金牌自速亡書生知叩馬獨不悟康王
百戰餘諸將今從享苾芬黃龍宜痛哭汗馬擲高勳老退
騎驢路嫌開縱鷁軍同時多憾事搔首對斜曛
和某女史題壁均

簪珠仙館詩存卷一

五

滿地黃沙厭久晴大家辛苦賦東征一般客舍青青柳朝
雨何人唱渭城

阿妹蓮花小字留芳名猶待訪妝樓前身疑是黃崇嘏合
喚人間女狀頭

減原不顯可名蓋已漢

附原作懷蓮皓二妹

黃沙眯目曉霜晴塵鬢蕭蕭事遠征楊柳不知離緒惡
東風吹綠許昌城

朱輪輾夢三千里翠袖凝寒十二樓料得故園諸姊妹
日高鸚鵡喚梳頭

黃河

一綫茫茫萬里來昆侖深處費疑猜地天直接中流迴南
北平分兩戒開環帶封疆終古壯乘槎蹤跡幾時回擬將
賦向龍門勒愧乏昔人江海才

日薄無光浪駕空宣房塞後少哀鴻
阿時洪山已東 半天風
色孤帆健大地波瀾九曲通迢遞金隄迷故蹟艱難砥柱
感神功澄清誰道人何俟只在包公一笑中

游大明湖李華廷軍門招飲

暫駐東藩蓋言開北海尊大風嘯昔仰名士幾人存脩竹
原無暑羣荷偶一喧湖山吟興發聊與客兒論
安訂 芳時 山新 文與 題謝

簪珠仙館詩存卷一

六

閣中喜晤關季華棠

名珠出海動潛蚪萬馬無聲走赤驕胸次空明光奪月眉
棱簪緊氣橫秋寰中落落看餘子海外茫茫話九州
立小 韻書 大學 寶鑑 相輝 合善 益金 訂出 突與 黃華

樓

盧生祠

富貴浮雲一夢休黃粱熟後怕開眸衆生都要仙人度可
有工夫借枕頭
落日西風動石塘蓮花世界亦淒涼可憐蕞爾槐安國一
例荒唐事蟻王

道中雜感

朔風獵獵班馬嘶車聲轆轤長途馳夜來微雪曉出日夢
過邯鄲人不知春秋不瞬相代謝憶我初游山左時古廟
丹青英雄淚野店粉墨姝麗詩柳隄沙暖晴調馬蓮幕燈
紅夜著基太平漫投定遠筆哀怨誰續離騷詞就中黃河
更奇絕風雷白晝奔蛟螭胡牀容我坐箕踞手中羽扇隨
指麾瓠子已寒鴻雁少宣房一奏天人怡岱宗絕頂小天
下日觀高揖何屢屨秦松漢柏各森列金泥玉檢多狐疑
相如空有封禪藁東封不到興嘆噫尼山闕里聖居近車
服禮器盛威儀遺文科斗餘斷簡壞壁何處聞金絲高山

簪珠仙館詩存卷一

七

景行心向往遺憾未將宮牆窺火雲五月過稷下槐黃催
我踏京師蓬萊瀛洲近只尺弱水橫阻剛風吹明湖荷柳
一回首羈縻使我長相思吁嗟乎李杜文章竟何用荆高
意氣空爾爲科第無分劉蕡拙關河忽秋宋玉悲敝裘蘇
季羞金盡迴車阮生泣路歧遠游不如且歸去白雲高臥
三峴陞

是詩無稿癸巳出都於某店壁上見之有季遠題後云
此吾友文鹿弱冠時作也於菟三日已有食牛之氣客
路無聊讀之奇快余乃手抄以去今季遠墓木拱矣四
十餘年影事存之以志故人相愛之意追述之餘不覺

泫然自記

豐樂鎮有賣銅雀瓦硯者戲賦二絕

漳水東流日夜哀離離疑冢莽蒿萊香銷履盡文王沒片
瓦何來獨未灰
編年細字認荒唐漢故將軍語竟忘鼎足山河猶破碎誰
從眞贗辨香姜

曉發富村驛

驚起鄉關夢征人計日歸秋聲萬樹動離緒五更飛沙月
寒隨馬霜花重墮衣問津前可渡曉色正熹微

渡漳沱

簪珠仙館詩存卷一

八

杏絕眞人跡倉黃喚渡河荒亭餘麥飯故老指漳沱九月
寒冰少孤村大樹多吾鄉鄰白水佳氣近如何

到家示諸友

不作人間第二流衡量玉尺相公收
走馬誇京兆兄姊
得得意漫希屠赤水
齊名誰識宋黃州
氣正秋
多謝諸君慰藉情元龍豪氣尙縱橫章縫豈遂無奇福科

第何嘗卽令名爛漫異花秋晚好團欒皓月夜深明胸中
塊壘消容易料理詩箋佐酒鎗

青帝 丁丑

青帝無情隕國香融風一夕變嚴霜蚌胎未剖珠星碎鸞
翼孤飛鏡月涼早向河間疑姮女終應天壤恨王郎佳人
遺世真難再莫怪哀蟬動漢皇

東風桃李正芳時空谷幽蘭幾淑姿冉冉暗傷春去盡嫋
嫋空盼夜來遲碧幃目斷仙郎貴黃土魂依小妹癡剩有
綺牕紅豆種年年花發結相思

秋居雜詩

簞珠仙館詩存卷一

九

商飆何莽蕩蕭條響深林金氣彫萬物白晝天爲陰高秋
日苦短碧雲冷遙岑美人棲空谷黃昏調素琴坐待涼月
上露華纖手侵曲終悲鴻杳寂寞焦桐心

晨興入小圃衆芳秋搖落籬菊獨見采凌霜峭吐萼豈伊
乘氣殊結根別有托卓彼後彫姿實堅歲寒約唐花嚴冬
茂五色紛的爍惜非造物心寧勝剪綵作

南山有虎穴嘯聚霾風沙行旅急跋涉歲時糜毒牙所殺
日以多壯士相與譁石弩伏阱撻烈火燔蓬蒿瞬息醜類
絕皮骨歸篝車兩大富胎孕並育量無涯蠢物不自愛仁
人爲嘆嗟

腐儒者奇古金石供消磨豈無三代物歲遠狐疑多昨游
長安市尊彝紛列羅一器千金直貴人手摩筆道旁睨而
笑眞贋苦舛謬自昔歐薛趙久迷斗與科流傳四千載空
言審礫波矧乃僞相市得無識者訶
深宵不能寐寒蟲絮絮響攬衣出中庭裏裏窺天象風吹
月色黃流雲恣來往清輝只尺隔碎螢攪虛幌繁星頭上
搖觸目森然朗文園病消渴苦戀承露掌北斗渺難卽望
望馳遐想

題畫蒲桃

不見高昌破居然大宛來龍珠鮮露滴鸞翼好風開筆勞

簞珠仙館詩存卷一

十

橫欹杖杯痕淡潑醅年時曾飽食爲爾憶金臺

采蓮曲

采蓮復采蓮池水清可涉花好爭似郎水清能照妾

采蓮復采蓮蓮花隨左右郎只采蓮花防著刺傷手

采蓮復采蓮鴛鴦蓮葉邊但得雙雙宿自然個個圓

采蓮復采蓮風颭蓮房裏妾爲結子難怕見秋風起

酬季遠時在棗陽

衡芷飄零久何人接楚騷王郎夙所愛詩筆冠吾曹紫塞
行歌壯青衫對酒豪章陵家只尺聊復事游遨

誰肯奇才拔因君感慨深蹉跎一卷衰蘊結百年心歲月

彫塵鬢風雲鬱遠襟前修慎自愛幾見夜珠沈

附原作

失喜因君至真堪當我歸一尊情話久百里故人違天

地頻搔首風塵兩布衣

下四

公府稀干謁門庭簡送迎風前側烏帽醉後擎金橙讀

史愛隻眼繙書錄小名

下四

愛莫離

愛莫離果名也產滇南苗女每以售於市見貌潘

安仁者輒廉其值左太冲至則否矣棗陽令殷召

南集爲余言爰在滇時親見之謂可入樂府因

簪珠仙館詩存卷一

十一

戲成此篇

愛莫離離別苦相思相思那得復相見蕉萃青春桃李姿

青春有嘉樹日日和風吹九九飽雨露結實何離離離離

復離離擔頭市上隨金錢非妾意要郎識妍媸妍媸顛倒

妾心苦愛憎是非郎心知郎心知妾情癡與郎期跳月

時

將之上庸贈別內子蕙生

戊寅

曉來清淚濕鮫綃怪底魚梁欲上潮病骨何堪紅豆刻離

心已逐綠波搖百花春嬌歸應了一葉身輕去易遙莫向

漢皋樓外望依依楊柳正垂腰

亂石灘夜泊

一夜灘聲枕上流黃沙白草月如秋夢魂縹緲風波險替

載深閨萬斛愁

奇災嘆四言 讀之早也

洪爐熾炭昆崙燒火雲張繼炎帝驕十二萬年幾浩劫我

聞此初心骨焦太行遠接嵩高趾平原無草四千里黃河

不潤汾晉枯螟蟻踊躍魚龍死傷心造物真不仁坐使旱

魃橫攫人山邱突兀積白骨羣鬼夜哭驚無鄰何來少年

助魃虐狙伏伺人刀暗著破涕蒞醺勸加餐遲待明日填

溝壑偶逢村市尤慘悽權人輕重如豚雞斗米千錢易而

簪珠仙館詩存卷一

十一

退老父棄兒夫棄妻多少名門嬌小女紛紛宛轉健兒許

狂森吹墮藩溷花菜色背人咽酸楚長官心惻籌振飢善

士動色爭釀貲車薪杯水遠莫致涸轍幾人待肉糜南來

道路聞搶呼慘淡難爲鄭俠圖湯旱七年今三載青苗涼

法况今無嗚呼青苗涼法今則無屏翳失御寧非辜

舟行阻雨己卯

天地苦無情風波復此行文章科第重貧賤別離輕南國

拋紅豆西川長紫荆今年第幾回已數年何年家食吉擾擾

愧吾生

蕭瑟荆門外威遲沔沔水濱梨花繁別夢萍梗瘦吟身短燭

昏搖夜孤舍冷失春江湖故寥闊
舉足行無地當頭漏有天津花濃綻
幾長物蓬瀛多少年泥塗吾已慣未
便取人憐

晚泊見隣舟有野祭者

蒙泉衍衆派喬木綿叢枝相彼烏鳥
微反哺貢其私翳人靈萬物本原而
忍遺奈何輕去國死別生復離有酒
釀非地有食薦非時紙錢雜榆莢惻
惻寒飈吹傷哉雞豚祭何似菽水怡
我亦遠游子新從膝下辭匆匆違邱
墓耿耿戀庭帷對此懷悲悽淚下如
纒縈

黃莘答嗣翊輓詩

龔珠仙館詩存卷一

十三

荒遠天難問驚疑信已真哀鳴來鵬
鳥於屬其沙健步失騏驎舊日原狂瘦
重泉孰比鄰深癸與秋鄰余始高訂白
交憂優曇同

一現寂寂舜華春

早歲黃童譽高才楚望攀弟兄自師
友文采滿江山兄其

與潺湲院東高樹生心鳳翽苞初振龍淵
繡遂斑洞庭如可注清淚

怯竟終三戰哀應踵四生楚學北地師
奇才騷辯絕遺憾

別離輕不度天帝虬胡召神仙蠹倘
成淒其屋

梁月猶似鶴樓明

聞劉叔俛先生秋捷

一第居然恩老成飛來消息喜分明
青藜夜火傳家學白首泥金露姓名
不恨登科無我輩會看華國有經生
漢庭佇奏天人策接跡江都董相聲

回首春風隔絳帷奇才歲久負深知
胭脂北地眉難畫風月南樓手獨詩
江夏無雙慚並駕孝侯多藝夙同時
以伯留贊謂皆之以無是不科及先
生家每大三人使每我輩有仲春理
士才極調文名與一伯時贊

奉懷鹿岑師竹谿

眼界青城出心源錦水開無物
微學道百里寄非才秣酒山田熟
桃花野縣栽篋中團扇

龔珠仙館詩存卷一

十四

在明月共裘裏井里所時實師
旅食湖江漢雲天無限情到門奴識
貌入座客知名恩約

有雲一臨時吳同采官其鮮人不知
所在無形迹相關到死生經理心皮
曹臥院前

東坡失方叔今爲恨難平謝安分西
校秋而

離索渾閒事浮生感慨多物情薄蟲
蟻淚眼注江河短日

垂荒屋驚森撼勁柯余懷故渺渺何
處託微波

東門火

東門火西門災西門胡災東門火來
火來門開門外池中

揚劫灰一解

池之水深以深魚所宅深以沈朱雀夜號池上林池魚朝就釜與鬻吁嗟祝融爾何心二解

祝融曰嘻無予疑唯火之令實余司謂予不信夫固有所受之東西門何罪咄哉爾魚甯不知三解

猛虎行東晉 陸機

有虎有虎人震驚白晝攫人何縱橫鋸牙鉤爪怒相伺出林一嘯狂風生壯士下車莫敢攫老婦泣血哽無聲我乃手無縛雞力去去寧復與虎爭眼前荆棘滿天地怪爾騷騷何處行

飢鳳行

韓琬仙館詩存卷一

十五

鳳兮鳳兮丹山陽文采九苞何煌煌昆侖元圃遙相望弱水橫阻無由航翠竹不實梧葉黃朝吸清露暮元霜高岡一鳴傳歸昌下視衆鳥紛蜩蟬逝將鸞鶴相堯羊天風吹送阿閣旁

重九游習池遂至谷隱寺暮歸

百年塵世幾佳節萬事今朝一放懷多恐黃花憎俗客且排青嶂勸深杯者番失喜無風雨若箇招要共往來欲傲東籬陶靖節南山相對獨裴哀

高秋雁陣羽書傳絕塞龍沙戍壘連時方事以僞與何處一尊還樂此得逢諸子各依然在山泉足清冷味出世僧留

定慧緣到寺鐘聲歸路月接羅倒著未妨顛

讀史偶述

共五首

楚漢逐秦鹿重瞳亦英雄失計都彭城草草擲關中建瓴大勢去鴻溝難爲功義帝何人賊或云隆準公證以分羹語飾詞良所工天下誠大器肯以易若翁不義覲苟得君父皆雞蟲奈何婦寺仁不解聲罪攻至竟困垓下楚歌四面從虞舞騷不逝夜帳號悲風天亡戰非罪流恨烏江東韓琬子原字項完以郡爲姓

亭長胡然帝三傑各題目淮陰少未遇曾甘胯下辱一飯

簪珠仙館詩存卷一

十六

報漂母千金意未足同時惡少年放手不肯毒施異報略同厚誼激薄俗沛公號豁達胡忍鍾室戮報施持相較天道疑反覆請苑疑受賂鄼侯亦入獄殘生幸苟免法網漏夷族良也貌婦人托疾長辟穀圯上彼何人吾欽赤松躅

羸秦并六合峻法行衛鞅漢始寬約法磊磊懸三章繼起文與景選吏崇循良厥術參黃老臥治民壽康信知古有道非霸亦非王執兩用其中一弛必一張後世武健吏牛毛紛毫芒枝葉一以盛根實立見傷曹相醉醇醪蓋公蒞正堂炎劉祚四百以斯卜靈長

子文昔紆難毀家非所計國存家固在相關豈云細武皇
重開邊腹民取快意卜式牧羊兒輸財行側媚濫觴粥助
爵相市利三倍未聞國庫充已病官常敝此曹毒天下苛
甚猛虎噬無論林野人末由振幽滯羊頭關內侯羊胃騎
都尉末流決江河痛心積深喟

三代無毀譽直道行斯民毀譽兩不置何來怨與恩叔季
浸衰薄報復滋紛紜豫讓感國士所持非無因不知千金
軀何以酬君親荆卿較爽列爲燕圖暴秦心布安足數朱
郭更非倫腐遷傳游俠憤激不遑甄徇名與徇財導世以
不仁筆削風千古要使清俗醇所以春秋義衰鉞長嶙峋

雪夜

韓珠仙館詩存卷一

十七

閉戶深無迹登樓碎有聲窮邊方鐵甲清夜獨瓶笙落葉
隨風下虛牕誤月明梅花新著未羌笛劇關情

怨詩

結髮爲夫婦行樂日相逐置酒銷金帳夜闌燈花簇沈醉
抱郎眠郎夢就人宿夢醒述向儂囁嚅色滋慙衾枕梗鄉
縣雲雨恣翻覆安得剖儂心寸寸置郎腹披衣背燈坐瓊
瑰落盈掬

熒熒牕前鏡芙蓉出秋水妾貌不自妍曉妝爲君理粉棧
黃亦銷今貌非昨比感此却鉛華本色天然綺君意別有

屬津津豔桃李春風誰主持萬千闌紅紫妾貌非君意錯
對明鏡裏

劍俠行

有客有客豹隱而龍游猿其臂虎其頭河其口電其眸入
門問主人若其未忘仇主人色變氣結不得語再拜留客
呼酒陳庶羞酒具客弗顧風雨出門去天陰月黑杳不知
處翩然飛鳥墮頭顱擲地血猶注喚取主人認不誤若勿
驚余方怒會排浮雲向天訴

辛巳春正月二日紀異

浮雲沈沈來西北六合利那天容墨義輪頓轡織烏匿紫

韓珠仙館詩存卷一

十八

微深垣星畫黑火筆誰手工篆刻一綫劃開天眼聽風縱
沙石相攻逼介休王車戛金勒坤軸動搖昆華踣遠開海
鼉身反側推挽苦費龍虎力坐覺江山黯無色列缺漸微
海潮息庶女叫天淚沾臆銀河下注支機蝕簪溜紅冰餘
啾啾欽哉天怒赫斯彰異國無雷殊荒唐朱電奕奕萬丈
芒太平寧炫鼠目光固知垂象昭天常龍蛇潛蟄魑魅藏
卽今

帝澤流汪洋風人兩人願各償旦晚滄厲消八荒星雲紉
綬歌明良野人矯首長相望杲杲曉日騰扶桑

春日戲爲俳體

春風綺帳三千戶曉日珠簾十二樓裙帶草熏金夾膝鏡
臺花顫玉搔頭飲香蛺蝶歸應醉照水鴛鴦避作羞絲竹
更看宵夜啟畫堂銀燭闌藏鈎

酬會稽施望雲山兼懷杜仲丹保定

長麗去後宛虹來青眼相逢次第開雷雨神龍隨健筆風
塵駿馬老奇才感均滄海頻年市夢冷黃金舊日臺惆悵
燕山雲樹外漢南春盡雁飛回

附原作

巴陵杜老說君先瀟灑襄陽美少年把酒習池同酩酊
看雲峴首共留連驚人老氣橫天下憂國深情極海邊

簪珠仙館詩存卷一

十九

吾喜相逢如舊識卻因離索話幽燕

題畫美人

日長漏靜壁月開曲檻幽迳生蒼苔花枝亞紅桐陰碧妝
成差暈明鏡臺卷簾孤坐情脈脈五銖衣重帶圍窄紈扇
玉手招香風淚痕湘竹愁輕擲何物畫師牙管春疑是疑
非疑笑顰漢家枉殺毛延壽至竟王嬙委敵人

雪中過楊襟珊茂才宅看棋

東風柳條初冶金漠漠春城三日陰天公作意釀密雪農
夫望眼詩人心去年雨稀麥遲種今年花晚春寒重一朝
珠玉唾地蘇故人齋裏饒清供昨來綺席尊酒招春色微

簪珠仙館詩存

露千金宵盈盈十五人未嫁孤皇不許琴心挑失喜春回
十二時五出六出連理枝朱霞歛然射明鏡新妝半面羞
焉支萼綠仙人更絕俗瑤臺女伴淡結束翠羽明璫畫下
空蛾眉展入遠山綠好事點綴矜矜化工珊瑚翡翠交簾櫳
平生夢墮香雪海意外香界酣雙瞳黃昏歸來屢折齒一
枕繩牀夜睡美彷彿心醉趙師雍月落參橫曉未起百花
從此消息真萬里江山草木春玉龍鹽虎鬬吟興媿爾太
平調羹人

悼韓孺人

簪珠仙館詩存卷一

二十一

十二萬年多少恨一朝絡繹寸心來嫁衣重疊封金綫妝
鏡淒涼揜玉臺塵世幾人歌栲栳仙居苦自覓蓬萊青衫
點點西風淚漢水東流日夜哀

杜鵑啼血上窗紗彩鳳鳴簫散綺霞爛漫科名餘小草彫
零姊妹泣空花中情少日悲南郡婦人一少女兄女誠前
塗失大家才女三歲贏得芳聲流衆口鐫名應不數茗華
辛勤五載事尊章溫清晨昏半寄將琴劍貫傷夫子別藥
湯曲得小姑嘗病魔雕琢堅牢玉潔癖消除時世妝張碩
惟應嗟福薄人間肯住杜蘭香

夜語尋常花睡遲情緣私訂許燈知雙星大似長生殿五
日偏無續命絲生以五月題葉他生應踐約負薪往事怕尋

思月難修滿天難補恨海茫茫未有涯

閏七夕

今夕復何夕重看會女牛墜歡寧可捨小別已生愁河漢
懸雙淚神仙渺十洲鵲橋吾感汝幾度白人頭

中秋夜

皎皎碧天月今夜何團圓笙歌沸城市顧我摧心肝
秋未老半臂淒淒已單菱花中破碎寧用羨玉槃蘭缸焰易
歇五更風色寒披衣步庭院瞻彼茅簷端北斗斜欲墮露
棠泣幽欄蟋蟀鳴更急助我興長歎

螢火

簪珠仙館詩存卷一

二十一

梧葉初黃荷尚青夜深流火亂明星更無玉手纖羅扇風
露淒清到畫屏

將之江陵舟中感賦

辛苦登長道漂流任短篷死生離別後形影夢魂中暮色
孤帆雨秋聲萬樹風余懷故渺渺堪此大江東

見燕

日夕秋風起海禽胡不歸分明驕獨客宛轉故雙飛玳瑁
雕梁在烏衣曲巷非無情衰柳外煙雨暮霏霏

荆門道中

喔喔雞啼人束裝驛鈴一一聲郎當嶺雲漸白曉復雨木

葉微紅秋未霜燕子欲隨客騎去稻孫時共泉流香老農
簑笠事晚穫笑殺征夫胡太忙

聞蟬

衰草長堤柳數行馬頭回首剩斜陽一聲落葉哀蟬曲不
爲征人始斷腸

九日荊州試院懷故鄉諸友

去年此日登高會雲散風流感不禁紫蠟黃花還在眼哀
蟬落葉總傷心之舊秋及子金韓亡季者以附詩已應應憐吹帽踪難續
剩有煎茶味可尋佳節易逢偏易負滿城風雨夜來深

有感

簪珠仙館詩存卷一

二十二

慷慨無端涕淚零夜深殘醉爲誰醒仰天搔首看東斗復
地關心到北庭慘澹蘆灰填澤水荒唐杯酒勸長星秋來
幾處嗷鴻集并入蟲吟不忍聽

雨中陸壽民大令招同豫章毛石石君郎中

杭州朱巽齋孝廉游龍山寺

試院煎茶重九日龍山想像欲登臨此來忽漫乘風雨興
到寧須判古今杯酒蟹螯寬佛法菊花楓葉急鄉心醉中
懶弔桓宣武脫帽聊爲放浪吟

范蔭棠出其尊人所書張長史傳魯公十二筆法屬

爲書後

結繩轆轤書契作紛紛文字蟲鳥忙湯槃孔鼎賦俗目耳
食論書先鍾王元常臣魏多婉色蔡法實竊章塚藏王家
父子世并貴誓墓志節殊慨慷後有作者顏魯國常山兄
弟名舳舳大義凜然露楮墨衣鉢享用希顛張漏痕釵股
會衆妙束縛十二非精詳兵曹授受今寡述疑此贗作災
縹緲范家老子偶寄與乞米一跋意深長鸞鳳泊蛟京
國此卷與魂歸故鄉奇物不受兵火厄小范抱之泣包漿
咸同之際世多故建業武昌橫跳梁江樓三圯黃鶴去鱗
介蹈隙渚冠裳是時七嚔驚失墜金題玉躑誰復裝楚弓
楚得良不偶友仁審定存元章蓬振沙飛未足辨天寶離

簪珠仙館詩存卷一

二十三

亂心滋傷自非

穀皇軼靈武劫運坐愁移紅羊我幸無事弄柔翰時訪壤
碑撫毫芒草聖遺規自千古權衡大節誰低昂自笑野鷺
不足嗜一舡今欲歸襄陽嘉惠敢拜岳樓記後先憂樂矢
不忘以爲謝所書

荊州秋望

形勝東南一重關登臨風物晚秋間渚宮花盡腸俱斷玉
壘雲來手欲攀往事孫劉紛紛割據高文屈宋埒江山錦官
城隔青天遠在時雨紅葉蕭蕭落照殷

寄兩弟蜀中

簪珠仙館詩存

忽忽三年別營營百慮煎郢歌寒白雪蜀道梗青天寶劍
鳴長鈇瑤琴裂素絃寧堪書近事淚迸薛濤箋
予季故材武少年輕別離新昏今有日行役苦相思劍閣
看雲近峨眉祝雪遲江關劇蕭瑟豈况雁來時

贈別石君

紵衣縞帶渾無奈廬阜鄱湖大有靈循吏子孫能繼述
廬公宜姑復歸後入大吏矣才人蹤跡例飄零曾隨猿鳥嬉南嶽
衡山年譜待挾鵬鵬擊北溟我亦隆中歸臥去劇憐狂眼爲

誰青

歸舟三首

簪珠仙館詩存卷一

二十四

昔我往矣秋之中樊城覓舟西復東風雨波浪拍天惡生
死鴻毛委孤蓬今我曰歸冬之初有吏捉舡持官符得錢
縱舡道舡無須我江干相招呼噫嘻爾吏不足責艱難異
地隻身客

朝辭主人門暮就扁舟宿歸急私祝南風競夢魂烏鵲相
馳逐寒雨颯然天半來攢眉坐看湖水綠江神勢利誠有
之龜尾泥塗辱敢辭齊燕舊游已陳迹毛陸贈言空新知
卻憐負薪貧翁子舊詩殘杯冷炙聊復爾

山之險虎與豹水之險蛟與鼉山行水行無一可矧魚則
網鳥則羅太行千尋起人面人海風波逐時變方爐聯轂

恣往來道路顛危尋常見勞人草草苦不知何物能令性命賤輸爾簑笠白髮翁樵歌漁唱邱壑中

夜泊聞隣舟歌聲不自知其涕之無從也賦此寫哀
彷彿潯陽江上舡青衫涕淚忽漣然帆牆兩岸人無語風
露三更月在天我已瑟琴埋永夜誰將絲竹寫中年曲終
坐對千峰冷欲弔湘靈何處邊

簪珠仙館詩存卷一

二十五

簪珠仙館詩存卷二

襄陽吳慶燕寬仲

號松文名鹿泉恩

春感 壬午

恨海千尋漲不消愁峯萬疊黛難描春歸南國添紅豆人
倚東風泣翠苔玉貌長教拋月鏡瓊漿無復乞雲翹垂楊
賺取休文瘦又向遺宮闕細腰

鵲翼分張蝶翅慵香閣綺帳冷芙蓉夢雲曉膩相思枕淚
雨春冥長樂鐘縹緲舊遊青尾鳳低回新曲白頭龍暗中
流水芳年換怪底風光最悞儂

荳蔻梢頭二月春春心如草草如茵日高金粉消蘭雪風

簪珠仙館詩存卷二

一

急羅紈散麴塵獨夜惜花寒料峭孤窗破悶酒遶巡天桃
欲放簷梅落腸斷年時索笑人

影單蘭穗夜燈深吟苦蓮壺曉漏沉自怯春寒添半臂休
徵往事結同心茫茫人海虛求劍寂寂天風謬學琴恰是
豔陽情緒惡蕭瑟綠鬢不勝簪

清明上韓孺人墓

紅粉成黄土青春欲白頭鵲啼花濺血蝶化草繁愁寶髻
輕雲失山眉遠黛留榆莢將麥飯寧入夜臺幽

聞孝達師巡撫山西

日下聲名泰斗齊雲中屯戍井疆迷乍看